



Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 105. Papa, omnesque Romani hujus victoriæ fama territi.

[urn:nbn:de:hbz:466:1-66433](#)

Sæcul. XVI. versus Gallos arma fumerent; sub iis
A.C. 1512. dem quoque conditionibus Julius Vitelius Episcopus Tivernensis urbis suæ portas Victoribus aperuit; postea vero omnes Romandiæ urbes Sanseverinati Cardinali Pisani Concilii Legato sese subjecerunt, Forolivio, ac Foro-Cornelio exceptis. Ast hic stetit secundi prælli successus, ipsi metu Gallis victoriæ cursum remorantibus.

§. CV.

Papa, omnesque Romani hujus victoriæ fama territi.

Guicci. I. 10. Insignis hujus victoriæ fama late ubique diffusa Romanos cives haud minori terrore oppressit, perinde acsi Galli jam-jam urbis portas invaderent: unde Cardinales ad Pontificis palatum accurrunt, ad ejus pedes sese provolvunt, urgent & instant, ut tam suæ quam Collegii saluti prospiceret, postea eidem exponebant, quod merito timendum sit, ne Proceres Romani seditionem moveant; eoquod jam plures eorum secreta cum Gallis consilia cuderent, atque inter eos non infimus esset Urbinatis Dux, nec temere conjici posse ajebant, quod Dux ducentos suos Lancearios, aut peditum quatuor millia juncturus sit copijs. quas Pompejus Columna, Robertus

bertus Ursinus, Antonius Sabellius, Pe- Sæcul: XVI
trus Marganus, & Laurentius Mancinius A.C. 1512.
in variis status Ecclesiastici urbibus con-
scriperant. His perceptis nil proprius
videbatur esse, quam ut Papa importu-
nis Cardinalium precibus cederet, cum
ecce! Ferdinandi, Venetorumque Le-
gati opportune accurrunt, ac Papam me-
tu liberant, illatæque cladis acerbitatem
pro viribus diminuunt, & huic malo ex-
peditum adesse remedium exponunt,
necnon subjungunt, Helvetios numero
longe plures proxime adventuros, quam
ad reparandam eorum jacturam, qui Ra-
vennatensi prælio occubuerint, necessa-
rii forent; ac Angliae Rege Gallis bel-
lum nunciante, brevi eorum victoriis fi-
nem imponendum, eoquod potissima
fœderati Equitatus pars unacum Car-
donna & Carvajalo feliciter victorum
manus effugisset, Hispani vero equites,
haud dubie fœderati exercitus robur,
composite sese receperint, denique mili-
tarem Gallorum turbam occiso eorum
Duce corpus esse sine spiritu inquietabat.

§. CVI.

*Papa a Cardinale de Medicis animo
erectus.*

Verum cuncta hæc rationum momen-
ta anxias Papæ curas parum seda-
bant,